

VEOMA VAŽNO !

Br. protokola: 45/08

PREDMET: POZIV ZA UČEŠĆE U JAVNOJ DEBATI - GRAĐANSKOJ AKCIJI CIVILNOG SEKTORA

Poštovani/a,

Obraćam Vam se u ime Centra za kulturu dijaloga, NVO-a koji ima desetogodišnje iskustvo u promoviranju izgradnje civilnog društva u BiH.

Uznemireni zbog posljednjih tragičnih dešavanja u Kantonu Sarajevo, ali i ostalim dijelovima BiH gdje su maloljetnici počinitelji krivičnih djela ili su žrtve krivičnih djela, uglavnom opet od maloljetnika, želimo organizirati javnu debatu:

«Počinioci i žrtve krivičnih djela su naša djeca – Spriječimo maloljetničku delikvenciju»

Želimo istaći da nije riječ o jednoj u nizu ispraznih pričaonica u kojoj nećemo reći ništa novo što ne znamo, već javnoj debati koja ima za cilj da preporuke, stavove i zaključke donesene nakon rasprave uputi svim nadležnim institucijama i pokuša izvrši pritisak za promjene, za bolje sutra.

Svjedoci smo da u vezi sa ovim problemom uglavnom izostaje javna riječ, ne čuje se glas javnosti, nema jasnog stava građana, nema građanskih inicijativa da se ovaj, nažalost u porastu, problem riješi.

Sve više mladih ljudi je na ulici, prepušteno sebi i utjecaju podzemlja. **Da li smo kao profesori, pedagozi, nastavnici, psiholozi, sociolozi, kriminolozi, roditelji, učenici... i konačno građani učinili bilo šta da pokušamo riješiti ovaj problem?** Da li smo spasili iti jedan mladi život ili smo nemoćno gledali, slijegali ramenima i konstatovali kako nadležne službe ne rade efikasno? Da li smo pokušali djelovati prema Vladi zbog izmjene krivičnog zakona? **Da li želimo uopće da reagiramo ili se ovaj problem ne odnosi na nas?**

Cijeneći iznimni značaj brzog reagiranja povodom tragičnih događaja u Sarajevu ne poštujemo proceduru dužeg vremenskog perioda za najavu ovog skupa i nadam se da ćemo u tom pravcu imati vašu punu podršku i razumijevanje. Vaš dolazak i aktivno učešće na skupu je glas za mlade, a nedolazak je prešutno glas podrške delikvenciji. Ukoliko zajedno okupljeni donesemo stavove i preporuke za pomoć mladima i obratimo se nadležnim institucijama, u ime građana BiH, napravili smo izniman i najteži – **prvi korak**.

Javna debata će se održati u petak 15.02.2008. godine u Hotelu «Bosnia» sa početkom u 14.00 sati.

Ukoliko želite imati izlaganje ili iznijeti primjere pozitivne prakse organizacije iz koje dolazite molim da nas o tome obavijestite u četvrtak 14.02.2008. godine na brojeve telefona 033 203 668 ili 033 208 370 ili putem e-maila: info@ckd.edu.ba

Iskreno očekujući da ćete svi podržati ovu našu i vašu akciju srdačno vas pozdravljam,

Sanja Vlaisavljević
Izvršni direktor
Centar za kulturu dijaloga
Adresa: Obala Kulina Bana 3
71 000 Sarajevo
Tel/fax: + 387 33 203 668;
+ 387 33 208 370
E-mail: info@ckd.edu.ba

Sarajevo, 13.02.2008. godine